

石刻史料新編

第三輯

(三)

新文豐出版公司印行

地方類

山西省

太谷墓誌	不分卷	清章嗣衡撰	001
太谷碑碣志	不分卷	清王效尊纂	021
清源碑碣志	不分卷	清王勳祥撰	025
介休金石考	不分卷	民董重纂	029
臨縣古蹟考	不分卷	民吳命新纂	033
潞安遺碣志	一卷	清李中白纂	041
長治金石志	一卷	清楊篤纂	055
長子碑碣志	不分卷	清樊兌撰	089
長子金石志	一卷	清楊篤纂	093
襄垣金石考	不分卷	民王維新纂	145
潞成金石記	一卷	清楊篤撰	151

Wt 100/02

澤州金石錄	一卷	清朱樟纂	191
鳳臺金石輯錄	一卷	清姚學甲撰	201
武鄉金石志	一卷	三韓高鉞撰	229
代州金石志	一卷	清楊篤撰	273
繁峙金石志	一卷	清楊篤撰	293
平陽古蹟志	一卷	清范安治撰	315
臨汾金石記	不分卷	民張其昌撰	329
鄉臨金石記	不分卷	民趙意空纂	333
虞鄉金石新考	一卷	民李無逸纂	343
臨晉金石記	一卷	清趙意空纂	383
解縣金石考	不分卷	民曲迺銳編	395
絳州石刻志	不分卷	清李友洙撰	401
絳縣碑志	不分卷	清胡廷纂	409
聞喜金石志	一卷	民楊田撰	413
永和金石考	不分卷	民段金成纂	437
蒲縣碑銘志	一卷	清王居正纂	441
武州石窟記	不分卷	民兌君著	457

陝西省

西安金石志	二卷	清嚴長明纂	4	6	9
長安金石志	一卷	清董增臣纂	4	9	1
咸寧金石志	一卷	清陸耀通纂	5	0	1
咸寧長安金石續考	二卷	民米聯奎纂	5	1	3
興平金石志	一卷	清張 塤纂	5	5	7
鄠縣金石志	一卷	民段光世纂	5	7	1
藍田金石志	一卷	清袁廷俊纂	5	9	1
輞川金石志	一卷	清胡元煥纂	6	1	5
涇陽金石略	不分卷	清蔣湘南纂	6	2	3
渭南金石志	不分卷	清焦麟甲纂	6	3	1
富平金石志稿	不分卷	清譚 慶纂	6	3	7
醴泉金石志	一卷	清孫星衍撰	6	4	5
耀州金石志	不分卷	清喬世寧纂	6	8	3
同州金石志	一卷	清吳泰來撰	6	8	7
同州金石志	一卷	清蔣湘南撰	7	6	1

清章嗣衡撰

太谷墓誌

清章嗣衡撰

太谷墓誌

古今通纂

卷三

墓

塚墓附

周麗涓墓在縣東南七十里馬嶺半山中

北魏冠軍將軍趙黎奴墓在縣東十里石象村

北齊散騎常侍翟嵩墓在縣南七里咸陽村北俗呼

翟夫子墓

唐太尉房元齡墓在縣西南十五里白城村南有巨

碑文剝落不可讀

唐鄉正馬惲墓在縣東二十里陽邑村東南塚址無

存

唐南溪縣令孟貞墓在縣東二十里陽邑村東二里

塚址無存

唐騎都尉智元墓在縣東十里朝陽村東北四里塚

太谷縣志

卷三 塚墓

七

址無存

唐孝子劉明達墓在縣北七里水秀村東明達縣人

事母至孝金貞祐中封金吾上將軍

金金吾上將軍蒲察阿魯答墓在縣東南十五里惠

安村墓記猶存

金咸寧縣令冀天龍墓在縣東三十里白燕村西北

元國子監伴讀郝宗顏墓在縣東北二十五里白燕

村相傳宗顏善大書文廟匾額多出其手墓有石

碑文剝落不可讀

王墓在縣東十五里董村南相傳爲王墓不知何代
俟考

明指揮李珩墓在縣南門外正德中封護國將軍碑
志猶存

明按察司副使陳璧墓在縣南三里

明布政司參議趙體敬墓在縣東二里

吳塚在縣北十五里郭村南塚高大前二後五纍纍
相聯不知誰何之墓俗呼吳塚相傳薄暮塚巔猶
有斜陽爲十景之一

太谷縣志 卷三 塚墓

八

明贈光祿寺少卿武維周墓在縣西南五里北沙河
村北

楊長墓在縣東十三里杏林村北王志據舊經云字

公會樂平人

常飛虎墓在縣東南二十里四卦村俗呼大將軍墓

塚址無存殘碑尙在按吳塚楊長常飛虎墓世
次均無考故類載於後

國朝總兵張凌霞墓在縣北十五里郭村西

遊擊陳聖矩墓在縣西南十里中咸陽村北

提督牛天昇墓在縣東六十五里梁平村東北

通政司參議孟生蕙墓在縣西五里小王家堡北

郭志曰陽邑始自春秋歷時不爲不久而古蹟寥
寥意者五代之季干戈倣擾其爲湮沒者或多焉
然自宋以後何亦無傳也舊志云豈書闕有間歟
抑茲土不好名故其傳之者少歟夫惟傳之者少
則其已傳者愈不忍沒如妬女祠王良道後漢高
祖菜園雖無確據而亦無由斷其爲必不然惟魏
將龐涓及唐相房元齡墓史傳具在確有可稽考
元齡本傳以母喪賜塋昭陵園及元齡薨亦陪葬

太谷縣志 卷三 塚墓

九

昭陵新唐書諒從實錄第魏徵李靖亦陪葬昭陵
者而一統志則謂徵墓在晉州靖墓在開府通志
又謂相傳元齡墓在太谷白城村南或別有所據
歟抑訛以傳訛歟至於馬陵通鑑集覽徐廣云在
魏州元城東南十里正義虞喜志林云濮州鄆城
東北六十里有陵可以置伏龐涓敗于此一統志
云在大名府城東南一十里三說雖小異然總之
皆在魏地此間因馬嶺聲之轉遂附會爲此不可
解也舊志載唐人胡曾詩云路旁古木蟲書處記

太谷縣志

卷三 塚墓

十

得將軍破敵年或謂流傳自唐已然然而曾詩但云馬陵未嘗指言爲太谷之馬陵也安知所詠者非大名元城之地而記者牽附于此乎元遣山身爲晉人考核精審其馬嶺詩無一語及孫龐之事可見也但舊志相沿已久故附辨于此而仍存之按通志稱馬陵關下有溝澗二十餘丈卽王詡藏修之鬼谷又稱榆次有龐涓馬城之坡遼州有孫臏伏兵之地種種附會殊爲可哂王志則謂涓亡後六國分裂涓屍趙得其一體因馬陵葬之其說

尤屬不經高志於前志之誤已加糾駁而郭志考辨尤詳故錄而存之俾後之君子知里俗之訛傳不可率登記載而於志乘之文益昭精覈焉按房元齡墓舊志泥唐書陪葬昭陵一語謂其訛以傳訛今考房氏族譜元齡父彥謙齊州臨淄人故與太谷長殷開山相友善時隋末山東亂道路梗塞彥謙避亂依開山僑寓太谷愛此地山川風俗之美欲徙居之後元齡從太宗定天下爲勲臣首薨後陪葬昭陵長子遺直嗣封爵尋坐遺愛罪

太谷縣志

卷三 塚墓

十一

以父功免死除名爲庶人遺直乃成祖父志徙籍太谷別葬元齡衣冠於太谷之白城南以便祭埽夫人盧氏附焉所謂招魂葬也從此遺直一支遂爲太谷房氏始遷之祖墓後巨碑墓前石器

國初遺跡猶在康熙間學使嵇公准以元齡三十六世孫振奎爲奉祀生並以名臣遺塚特命勤加防護嚴禁樵牧夫碑文剝落不可讀古碣類然然既有巨碑可證則事非臆造可知若以陪葬故並疑招魂之葬爲子虛其毋乃信古薄今而所見太偏乎今墓田四十畝屢爲奸民攘敗坐是涉訟數年巨碑石器亦燬棄無復存者而白城墓址房氏子孫猶能指其故處茲據房氏族譜詳加考覈特書房元齡墓於前並附論於此以補舊志之闕焉

墓誌

唐

鄉正馬君墓誌

君諱憚字海通扶風人也帝顓頊之苗胄楚靈王之允緒徽望扶風宦流晉部先祖晉朝太尉魏室司空敷奏王言宣揚帝命祖暹齊任代州戶曹父暉隨任遼州博士乃祖乃父簪纓門傳紹武嗣支鹽梅勛化君前任鄉正撫臨人俗黎庶仰以嘉猷導禮宣風郡宰挹其模楷誰謂忠誠克著構疾相

太谷縣志

卷七 藝文墓誌

一

侵藥餌不瘳沈痾遂固春秋七十有七上元二年八月二十九日終於私第上元三年十一月八日葬君於陽邑故城東南一百五十步嗚呼哀哉長年永記

南溪縣令孟君墓誌銘

君諱貞字君漢河內人也帝顓頊之苗胄周文王之允緒望重河內因官晉部先祖晉朝太尉魏室司空敷奏王言宣揚帝命祖法齊任邢州司戶父孫隨任朔州錄事乃祖乃父冠冕相承爲質爲文

俱參職位君前任戎州南溪縣令時稱善政製錦

未嫌其奇代號能官烹魚豈方其術男歌五袴女

詠三裳返饋留錢褰幃問疾誰謂忠誠克著構疾

相侵藥餌不瘳沈痾遂固春秋七十有九上元三

年三月十九日終於私第以其年十一月二十日

葬君於陽邑村東二里左臨像水澗瀨洪流右望

紂祠清池淥沼前觀鼎嶽峻極嵯峨後眺尹崗連

延萬里悲纏原野痛傷行路嗚呼哀哉乃爲銘曰

昂昂哲賢明明令德動中規矩發言合則廊廟股

太谷縣志

卷七 藝文墓誌

二

肱王庭羽翼淑人君子其儀不忒其忙忙日月慘

慘烟雲荃蓀憩馥蘭桂傳薰俄從物異儻忽沈淪

嗟呼悼矣惴惴泉門其

騎都尉智君墓誌銘

君諱元字慶其先隴西苗胄智百王之後曾祖隴

曹南陽郡守祖德板授汾州司馬父燕隱儒勗志

廉讓兼施守節邱園辭榮不仕君神姿練達秉天

淑靈帝族分輝藏光匿耀浮沈閭巷博義寬仁二

柄精修時當用武雄心猛烈召募從征克敵無遺

蒙授騎都尉豈謂鳥災庚日俄抱北升之魂人夢
已年無復南山之壽遂穆雍家室遜悌鄉閭永盡
規模忽離私疾春秋七十有五開元十七年三月
十四日瘁於私第遂使愁雲泣鳥谿澗吟猿道路
歎其遺蹤內外嗟其舊跡以開元二十年十一月
二十一日葬於夕陽村東北四里自營禮也東連
覆允西眺龍門南瞻象河北臨徐水哀子懷文號
天罔極叩地無從痛切南陔悲纏陟岵卽以龍輜
去去男申蹕踴之悲素旄飛飛女發號咷之泣其

太谷縣志

卷七 藝文墓誌

三

詞曰青鳥識兆白鶴臨墳梁山歌雪還憩無春

元

陝州倉使李君墓誌銘

李之芳

自科舉之法盛於唐而辭章事業號稱得人至今
設科取士猶有古意大定明昌間文士極盛場試
千百中例取一二題榜之下在繁穰舉子歲無空
越故當時爲一郡之望至今儒門宦族布於閭里
議者以爲有鳳山之秀鍾靈於人固然而不知實
國家教化之漸摩名德世業之相尙有以致之耳

李君壽之迹其繼爲儒者箕裘不墜前後五世矣
其大父達以金正隆二年應詞賦舉中甲科爲甯
化軍司使以廉能稱秋滿授朝列大夫石州甯鄉
縣丞卒於官祖母王氏生君父敏修精勤儒術書
法高妙大定間以世爵授將仕佐郎嵐州都目明
昌五年就選擇亞魁遷儒林郎錄河中府事以政
績聞時張萬公爲府尹命書鶴雀樓額及戒百官
銘於公廨之壁大奇賞之未幾萬公拜參知政事
薦於朝加奉訓大夫遷祁縣尹深有惠政人歌來

太谷縣志

卷七 藝文墓誌

四

暮累官至河南府治中終於官廨初娶溫氏生君
及一女君名昌慶字壽之性嚴肅舉止有則承父
爵授宣德郎監文水縣酒復加本縣義軍千戶歷
河南府酒稅使及陝州倉使後挈家北歸以本縣
學官隱居教授生徒常以百數其養成人材及入
仕版者多出其門歲已亥以府缺復其家君識時
達變日與士大夫相從詩酒抹月批風優游卒歲
可謂善處世者矣君生於丁未歲十一月五日終
於甲寅歲六月十有六日妻姬氏賦性溫厚克勤

家事睦親善鄰以庚戌年六月十有六日生至元

庚午三月十二日卒享年八十有一子曰鼎新

字子草爲人和易而好禮未冠有成人之量美丰

儀喜談笑遇客輒飲盡歡不謀世務事母以孝聞

浮沈鄉社亦以教授爲事其交友率皆時髦不幸

蚤世生於乙未歲之孟秋朔歿於至元戊辰歲之

仲冬望後八日年甫三十有四妻孟氏孀居奉養

其姑撫字孤子閨門端肅邑人賢之縣大夫以其

貞節薦於府庭生四子長曰并次曰林曰榮曰秀

太谷縣志

卷七 藝文墓誌

五

咸有父風今公之長孫并齋教諭武威卿所撰行

狀又以判太原總管府事王公之記書來命予誌

之蓋王公童艸之年嘗受學於先生講下欲報其

德故刻諸貞珉俾傳不朽世降俗薄師弟之禮寂

然無聞今王公雖貴顯不忘其初亦可謂厚德之

至者矣因爲論次而繼之以銘曰朝陽之霞春水

之華豈天地之美而有貴於名世之家良吏之廉

化君子之澤加積善宜有慶粹德其無瑕繁才之

良繫賢之胄沐恩以復其籍終隱以傳其授宜茲

大眞賢之門而光啓吾鳳山之秀

明

中憲大夫湖廣按察司副使陳公墓誌銘

劉龍

按察司副使陳公諱璧字德如別號龍泉居士先

世有仕元爲太谷令者因家焉遂世爲太谷人父

樸菴封君少業儒後以親老窘於無資地弗果成

性嚴毅少合義不苟取公生九歲讀孝經卽能了

句讀字意人皆異之謂樸菴日子之志其伸於爾

太谷縣志

卷七 藝文墓誌

六

子乎別駕張彬至縣君隨縣社師謁見張執視曰

是兒當大有成就爲白於督學憲臣得補邑庠生

樸菴遊江湖或經歲不歸孺人田督之手不釋卷

母績子讀每共一燈夜分乃止孺人雖處困約意

度裕如亦以有子可教爲足慰也年弱冠偕童師

武生者歲考得食廩餼固以讓武事雖未果其識

量亦可徵已尋同同志屏居鳳山下龍泉寺讀書

遂大有造詣領鄉薦繼舉進士授行人司司副屢

使宗藩俱有清譽以光王命考績書最進階徵仕

郎封父如其官母田爲孺人陞刑部員外轉郎中
時逆瑾擅權法官動遭譴謫頗尙深刻爲迎合計
公曰殺人以利己吾不忍也略不爲變嘗審錄多
所平反終亦無他遷陝藩左參議會漢中鴟賊之
亂督餉有功爲總制彭公所薦賜銀牌彩幣勞之
榆林將臣王勛失機朝廷遣官按狀時方以牽制
顧望事人不決公爲分守官請承委鞠之遂伏其
辜衆相與嘆曰陳君固西曹老法家也甘涼之警
供億浩繁復以彭公請奉勅督餉兼治屯田水利

太谷縣志

卷七

藝文墓誌

七

事並舉無少偏廢一以實惠及人爲主士卒感之
如慈父然時發內帑遣使臣與守將董羅事欲以
銀兌給意圖侵剋公堅執曰戰士貧苦以糧爲命
此等舉錯恐非朝廷意吾當疏請乃可耳使者懼
而從之聲益藉甚一年內五被旌舉轉湖廣按察
副使整飭郴桂衡永諸路兵備未幾從巡撫都御
史秦公勦猺蠻克捷撫定荆襄流民遠近安之巡
按御史薦於朝有公正廉約之語當時以爲確論
正德己卯丁封君憂守制遂不復起惟以耕讀課

子孫暇則引親故觴咏爲樂有司事一無所干益
爲鄉里重是年春偶疾家人請禱力止之曰吾祿
與壽不啻足矣禱復何求但當以公服斂我見先
人於地下爲不愧耳喪用家禮母作浮屠法賦詩
一章有遊宦皆成妄浮名總是空之句遂歿於正
寢實嘉靖五年六月二十三日也距其生天順庚
辰八月五日春秋六十有七配楊氏繼趙氏贈孺
人再繼武氏封孺人子男四善道楊出治道蚤夭
時道邑庠生器宇偉然足繼君志趙出人道尙幼

太谷縣志

卷之

藝文墓誌

八

武出女三長適本邑吳從惠次適祁縣副使閻君
汝思之子庠生師賢次幼孫男四肇基肇業肇家
肇裡女孫二卜明年二月二十五日葬城南先塋
之次時道走京師持閻君汝思狀來乞銘予與閻
及公同舉於鄉閻又君懿親實以書速予故爲之
銘銘曰越在宏治惟免紀年我實與子並應賓賢
厥後登科於羊於犬我幸先鳴子尋妙選時人目
子晉產之良官階屢遷孰往不臧奉使宗藩君命
不辱其在刑曹不寃於鞠軍門總餉於襄於襄流

民撫定薦剡交馳宜究厥施懋賞與位乃以憂歸
遂成高致宜修厥算以儀邦人乃忽遘疾曾弗七
旬士仰其風民懷其愛將百千年如其身在城南
之阡山川萃精以裕爾後世有令名

陝西靜甯州判陳君墓誌銘 趙體敬

君諱時道字行甫號鳳洲勅封徵仕郎行人司司
副通之孫湖廣按察司副使璧之子也副使公有
四子君行第三初宏治戊午春副使公偕趙孺人
之京夜次伏城夢幙欄貴人來謁卽以其年十二

太谷縣志

卷七

藝文墓誌

九

月十八日生君君生六齡趙孺人卒繼鞠於武孺
人武孺人卽君弟人道之生母也君幼而穎敏識
者舉知非常人副使公參陝藩君卽見奇於長安
大魁陳子德暨副使公轉湖臬便道歸家君卽見
器於督學莆田林君補邑庠弟子員君是時僅弱
冠丙戌副使公遘疾不起君哀毀踰禮治喪一從
治命冒寒千里乞銘於紫巖劉公旣襄事乃益勵
讀書鳳山麓隆道宮而文思益進邑侯崔君肖山
督之縣署日督試之謂君元魁可預定也科應辛

卯乃不第督學漫山曹公不輕與可人試君文輒

嘆賞不已且延之西席甲午偕弟人道入闈弟乃

第君復不第以選貢赴銓司功名固有命哉甲辰

君授直隸慶都縣丞丞於縣爲貳司馬恒見抑於

其長君抗志秉節政通牧藩當塗諸所委勘覈有

不若鄰邑有大豪因姦殺人行賂彌縫者數年矣

君偵之而置於法黥卒從軍門來持僞文支軍餉

君立辨非是下之獄自是政聲籍籍其飛章而上

與馳檄而獎焉者歲不下六七舉也戊申陞靜甯

太谷縣志

卷七

藝文墓誌

十

判官管甘肅糧儲過家以母武孺人老不欲去武
強之勉赴任其所釐革聽斷一如丞慶都時撫軍
重君風采嚴毅有出塞之使衆皆駭愕回視君慨
然請行戒期出徼外分給農具種粒悉如法諸人
稽首稱便肅州衛掌印楊指揮家衆倚勢縱恣誣
人爲盜凌陷數人垂死君悉理而活之大姓王惠
以水利殺人乃利結傭人楊奉代伏君引奉訊之
曰殺人者死死者不可復生爾以百緡而甘心代
死耶奉感泣出惠所私擬惠於律居官多所平反

如此然君由此得名亦竟取忤於時而倉攢鼠竊之徒又從而忌銜之君於是不獲安其位矣以疾告者凡十七次乃允歸歸則杜門謝賓客恒坐臥一小樓把玩文翰或時適絲竹有司事一無所干出則攜囊挈榼徜徉於城南莊笑傲酣歌放形物外更好前村晚農黎陽錢君同野爲作晚農傳君美風儀性仁儉居聞諸婦呵撻婢力則叱止之曰此亦人子也奚苦之自奉尙簡淡恒食未嘗兼味朝賀宴會每服先世舊衣帶不極敝不少寘尤好

太谷縣志

卷七 藝文墓誌

十一

書籍工哦吟一有感發則形諸題咏其雅思妙曲往往有騷人墨客所不能道者君美善甚衆第誌其大者他若却常例於宦所折私券於逋人京邸歸友人之喪鄉飲辭大賓之請皆君之餘故不詳所著有太谷縣誌及鳳洲詩文稿河西雜稿桑陰農話前村野錄可亭詩話藏於家享壽七十二而卒實隆慶己巳六月一日也君娶任氏濟陽縣丞紀之女繼龐氏慶陽太守瑄之孫義官尙文之女子男二肇家任出肇禪生員龐出孫男四言謨訓

諫孫女四曾孫男一卜以卒之年十一月十五日祔葬於縣南祖塋之次嗚呼匪誌曷彰匪銘曷藏誌防虞銘永處矧陳君矧予又見知於君故誌之復銘之而刻於石銘曰鳳山之秀象水之清鍾靈孕美篤生哲人休矣元龍秦雲楚雨亦有鳳雛以永終譽位則弗稱政則可推官有遺愛民有去思勿畏強禦發奸摘伏以柔遠人孔淑不逆自西徂東綽有頌聲曰惟循良世食其功壽逾七十神歸安宅萬祀千秋視此貞石

太谷縣志

卷七 藝文墓誌

十二

孝廉陳立甫墓誌銘

張澤

鳳岡陳君諱人道字立甫嘉靖甲午舉人自少智慧殊絕器識不凡年方十歲善屬文十七歲補邑庠弟子員邑令崔公閱君季考文稱之曰璠璣之器非尋常有也每乘公暇卽召入縣署作文愈益愛重科試爲督學曹公漫山首取較試畢將闔省堪以決科者取入河汾書院親加誨迪以彰得人之盛君得與焉是歲秋闈竟得高選歷壬戌凡十上公車弗第人咸諷之仕卽整衣曰大丈夫當如

海鵬待風長飛九萬里安能卑棲蓬蒿耶况吾父
成進士歷顯官我若止此不惟自負所學亦且有
愧先人矣愈蹶愈奮常與劉子龍潭郭子純安高
子南峯居別業相切磨如諸生時不意時命不偶
賁志以歿家居三十載絕無一事干有司遇年饑
出粟濟人族黨依以爲命事母委曲順志友兄弟
怡怡如也淑配白氏本邑志鑑女無出再娶側室
袁氏郡庠生純女俱守共姜之節共勤織紉嗚呼
陳君有高才而限於時命有厚德而靳諸子孫誰

太谷縣志

卷七 藝文墓誌

三

不爲之流涕耶君生於正德癸酉八月十七日卒
於嘉靖甲子九月十九日享年五十二歲萬曆元
年二月二日白氏亦卒其姪肇家肇禪等共襄大
事卜於本年四月十有二日合葬於城南先塋之
次肇禪持龍潭狀走榆邑求余銘余應曰鳳岡與
余同時遊庠取書院膺鄉舉孚契最久感今憶昔
誌銘之請不敢以弗文辭銘曰山有靈哲人兆生
岡之崇彩鳳高騰時之盛兮翔於千仞德之衰兮
狂歌頓興傷鳳鳥之不至兮偶疾仙昇悼鳳雛之

已矣兮陰陽無徵仰德輝之未泯兮照耀佳城

孝廉成見齋墓誌銘

殷士儋

嘉靖甲寅三月七日鄉貢進士成君卒距生正德
辛未十月九日僅四十有四子法卜卒之年六月
望耐窆祖塋次禮也從弟子安試政夏官方以不
及承訣爲憾無何授扶溝尹得便歸視塋又自慰
云蓋子安少時與弟守身輩皆從君授毛鄭詩其
遭外艱不克葬君傾貲爲治且甚厚子安舉己酉
守身舉壬子鄉試君喜曰叔以諸弟付我庶於叔

太谷縣志

卷七 藝文墓誌

四

無負矣癸丑子安第進士君不第顧愈益喜曰吾
叔視吾弟猶我吾不第無憾矣歸出所蓄數百金
遺之且戒曰初筮仕勿苟稱貸他人貽後累數寓
書責以遠大斯不忝所學故君疾也子安憂之深
訃至愈哀焉君系出太谷天順間高祖淪爲大使
監曹稅課遂占籍於曹君追維本始嘗自述狀因
子安乞陳狀元謹表大使君墓又私譜其族欲合
太谷以上爲完譜約子安共成之二事且竣而君
不可起矣子安持侯進士祁狀屬余銘君墓再拜

泣請曰守節賴先兄有今日先兄齋志而歿不可使後無述也按狀君諱守復字子近嘗顏所居曰不違復堂因自號見齋曾祖傑祖昭昭三子長良相卽君考母蔣氏生三子長卽君幼聰穎十歲善屬文先達奇之十四遊鄉校文行冠一時三十與計偕五上春官不利下帷授經一時多士景從焉性純孝侍父疾衣不解者越四旬比卒哀毀幾絕屆禫猶饘粥尋有祖喪又以當室後祖斬苴先後五年苦塊一室中君子以爲難服闋領庚子薦

太谷縣志

卷七

藝文墓誌

五

聞報大慟人問之曰吾祖吾父不見能勿悲乎母喜農業不樂城市居君不拂其意日與二弟從郡中來定省以爲常歲時獻新味卽果蔬不先奉不入口姑氏蚤養自君父在時攜孤來依君置田數百畝給其孤並給母黨之貧者歲不問所出入其以志養多此類也於二弟盡友愛教以舉子業皆爲郡諸生從昆弟凡六人視之如一與人交重信義每日終身用一誠字不盡所識婚喪多藉襄事無德色或見負亦無愠心故人樂與親配宋氏處

士金女子二長卽法娶郭次注聘劉孫女一尙幼注蚤慧君愛之往余與君同舉於鄉見其誠懇重其人讀今狀知其孝友過人信篤行君子也曹於齊魯間號多文學至語後進矜式咸推君其所倡造彬彬有成效矣乃君顧不第竟不獲一命以死豈非數耶余觀子安溫文雅飭遠到未可量惓惓圖不朽其兄者無不至焉君臨終語諸弟曰吾志有託目可瞑矣語子安也嗟乎有弟如子安君爲不死哉銘曰君不負爾叔弟忍負君餘祉不可垠

太谷縣志

卷七

藝文墓誌

六

胡悲乎無聞庶於茲墳

亞中大夫四川布政司右參政趙公墓誌銘

褚鈇

余讀漢史見黃次公守潁川力行教化用法寬和吏民愛敬宣帝下詔稱揚賜爵關內侯竊忻慕之以爲古今人不相及矣今觀立齋趙公始自使職而轉郎官繼以郡守而參方伯歷仕三朝履正奉公兩蒙誥勅褒美中以通敏勤慎學道愛人奉公潔已爲稱皆殊常之寵也旣以謝病歸里民猶刻